

Carnaval di Aruba si ta Carnaval

Manera e lema mes ta bisa enberdad un biaha mas esey a keda demostra. Aunke cu awe ta Diaranzon di shinishi, nos kier a refleha un rato loque Aruba a pasa aden den un temporada sumamente cortico, pero a hiba Aruba te aya cu su espectaculo di Februari, esta e dushi carnaval.

Aruba e aña aki atrobe a saca cara di loque nan ta yama e ambiente di locura, esta carnaval. For di comienzo di e aña aki ora cu e ambiente di carnaval a drenta den curpa, un y tur a duna un man pa asina un biaha mas pone Aruba su nomber entre e grandinan den e mundo di carnaval.

Comentarionan tabata hopi cu carnaval ta mucho ariba man. Pero ningun rato so por a mira esey un motibo pa a stroba un que otro evento. Tur, pero tur tabata un exito total y e carnaval a culmina Diasabra y Diadomingo pasa cu e parada grandi. Awe e comentarionan tur ta positivo y satisfecho di loque e carnavalistanan por a brinda.

Si pasa un rato ariba e actividadnan por bisa entre otro cu e carnaval di mucha tanto na San Nicolas como na Playa aña pa aña ta birando mas grandi. E eleccionnan di reina, tanto infantil, juvenil y grandi,

un y tur a sa di acepta decision di jurado. No tabata ningun sorto di critica manera añanan anterior. Mescos tabata e contest di tumba, roadmarch juvenil y grandi.

Lightingparade, aunke e biaha aki no ta di e grandi ey, a sa di luci cu e bunita carozanan cu a ser presenta. Un berdadero espectáculo.

Pa locual ta trata mes di e parada grandi di San Nicolas Diasabra y Diadomingo na Playa no cabe duda cu Aruba aña pa aña ta subiendo e escalera di e mundo di carnaval. Un parada sumamente colorido, ambientoso, creativo, den un palabra espectacular cu por competi cu paisnan grandi di carnaval.

Tur grupo a sa di presenta lo mihor cu nan tabata por. E ambiente no tabata di papia mes. Personanan banda di caminda a goza di un tremendo carnaval. Musica no tabata falta ya cu casi tur e bandanan, brassband, steelband a duna un man pa asina Aruba na un manera grandioso a celebra su carnaval 35.

Aruba tabata huesped tambe di un cantidad di turista cu a bini akinan specialmente pa e temporada di carnaval. Hasta tin algun di nan cu mester a bandona e isla siman prome cu e parada grandi, a pospone nan vuelo pa asina nan tambe e sinti e calor di nos dushi carnaval.

Pabien un biaha mas. Aruba un bez mas a sobresali den su parada di carnaval y a keda demostra cu carnaval di Aruba si ta carnaval.

Aruba ta sigui grandemente den Carnaval di mundo

ORANJESTAD (AAN) - No tin duda cu Aruba a logra anotacion hopi halto un vez mas pa loque ta celebracion di carnaval. Di e poco paisnan cu realmente ta celebra carnaval, Aruba mester ta entre e tres mihoran di mundo esey no tin duda.

Awe ta Diaranzon di Shinishi, carnaval ta tras di lomba, pero ta bon pa pasa un rato ariba e gran locura cu ta e evento mas grandi di aña y di Aruba.

Primeramente hopi palabra di pabien na un y tur cu a bolbe pone Carnaval di Aruba ariba

e nivel di mas halto na mundo. Aruba completo a contribui grandemente na e gran logro aki.

Parada di e muchanan a progresa masha hopi mes, tur bario tabata tin nan carnaval di mucha y por a nota cu e gruponan di otro bario y distrito a bay celebra e paradanan den diferente bario y asina haci e carnaval mas grandi y bunita.

Parada di muchanan tanto na San Nicolas como Playa a progresa hopi grandi mes.

Lighting Parade di Tivoli tabata chiquito pero masha bunita mes y no tin duda e

evento aki ta atrae masha hopi turista debi cu no solamente e ta bunita pero e creacion ta vale la pena pa aprecia.

Paradanan grandi na San

Nicolaas y Playa e participantenan a demostra un espectáculo formal, fabuloso, creativo, y den un solo palabra fantastico. E piezanan y trabenan bunita a pone Aruba su carnaval anota puntonan halto den celebracionnan di carnaval.

Pabien Aruba, mundo a bolbe tende cu Aruba su carnaval ta entre e prome 3 nan di mundo.

Segun SEPA:

Trahadornan di SETAR ta disgusta

ORANJESTAD(AAN) -- E secretario di actas y correspondencia di SEPA, Axel Figaroa a señala na DIARIO cu trahadornan di SETAR ta traha tur dia disgusta, decepciona y bao depresion.

Esaki ta debi na e hecho cu nan ta mira con extranheronan ta worde carga den teblachi di oro.

Figaroa a bisa cu ultimo tempo bo ta tende SETAR constantemente den medionan di comunicacion. Semper ta bin cu logronan di SETAR, nunca ta trece e situacion di e trahadornan.

Na fin di 1988 pueblo di Aruba a tende cu groundstation SETAR ta cla. Porfin Aruba tin su groundstation. Aruba no ta dependiente mas di Curacao.

Aña 1989 a habri y nos ta tende cu telex tampoco no ta pasa mas via central di Curacao. Aruba mes tin su

central.

Maart/April tin ampliacion di central di telefon cu mas o menos 4000 number nobo.

Proyecto na fin di '89 te aña '90 ta un central nobo pa plan Sasaki, mirando ultimo desaroyonan na e sitio mencionada.

Tur e logronan aki segun Figaroa ta contribui na un desaroyo positivo pa Aruba. Gracias na esfuerzo maximo y conocemento y sacrificio di tur trahado di SETAR pa cual nan ta sinti nan mes orguyoso.

Sigur esnan cu tin riba 10 aña di servicio cu a mira e tempo con Telefoondienst y Landsradiodienst a desaroya.

Na '86 e dos companianan ey a bira un compania di estado.

Tur esakinan segun Figaroa ta loke pueblo di Aruba ta na altura di e desaroyo positivo cu a tuma lugar na SETAR.

Loke pueblo si no sa segun

Figaroa ta cu trahadornan di SETAR ta traha tur dia disgusta, decepciona y bao depresion, mirando con e extranheronan ta worde carga den teblachi di oro.

Segun Figaroa, SEPA ta dispone di informacion cu actual director di SETAR ta cobrando mas o menos 18 Mil Florin pa luna, representatie geld, huur di cas, yamadanan di telefoon internacional mas o menos 1200 Florin, un auto luhoso nobo y pa colmo gasoline tambe ta worde paga door di SETAR.

Alavez e kier un aumento di "een extrajie" di 6 Mil pa luna so.

Director financiero y consehero di Nepostel cu a coordina e proyectonan di '88 ta cobrando 14 Mil a 15 Mil pa luna, representatiegeld, huur di cas, yamadanan internacional pa Hulanda y mas un auto luhoso nobo y tambe cu gasoline paga.

Statua di Betico ta progresando

ORANJESTAD(AAN) - Siman pasa tres miembro di Fundacion Betico huntu cu dos miembro di familia di Betico a bishita Venezuela, pa weita di cerca e progreso structural ariba e statua.

Tur e personanan aki a haya e trabao di escultor te awor hopi bon y a propone cambianan masha chiquito ariba apariencia di e statua pa denota e lider Betico mas autentico cu ta posible.

E escultor ta un Spafio residencia na Venezuela y tin

masha hopi obranan renombra construi.

E statua ta alrededor di 2 meter di altura y ta bay worde poni ariba un pedestal ariba Plaza betico. E lugar exacto mester worde discuti ainda. E estatua ta di brons.

E escultor a priminti di haci tur loque ta posible pa entrega e statua di Betico prome cu dia 18 di Maart venidero pero esaki ta muestra un poco optimista di mas, en todo caso ta ser spera cu dentro di un of dos

luna e statua di Betico ta bay worde inaugura ariba Plaza Betico.

Fundacion tin confianza cu pueblo ta bay aprecia e prome estatua di Betico y ta intencion di fundacion pa papia cu gobierno pa nombra cierto cayanan, avenidanan, schoolnan y otro plazan den distrito na nomber di e gran lider politico Betico y asina dune e reconocimiento mereci pa su labornan cu el a desplega pa un y tur durante su bida.



ARUBA FASTENERS N.V.

Bedrijf gespecialiseerd in Gereedschappen en Bevestigingsmateriaal - Seroe Blanco 60-G
Zoekt voor direct in dienst treding:

1) Een administratieve kracht (vr), min.. opleiding
Havo of gelijkwaardige opleiding.

2) Twee Technisch verkopers (mnlk) LTS metaal
opleiding of gelijkwaardige opleiding.
Aanmelding kantoor uren 8 am - 12 am & 1 pm - 4
pm. Tel. 28449 (voor afspraak)

CARNAVAL DI ARU



BA SI TA CARNAVAL

